

明

史

明史卷四百九

土司傳

土司一

土司為西南諸蠻有虞氏之苗高宗之鬼方西漢之
駝丹邛樊自已夔以東並湖南北暨嶺南內外數十
里溪洞菁莪之中曰乾曰矜曰獠曰徭曰獯凡數十
種歷代以來亦各有大姓為之領袖北魏之所稱冉
氏田氏向氏南宋之所稱舒氏彭氏蘇氏楊氏皆是
也特徭茅雜處政教不及自三代以迄於宋未嘗敢
郡縣其地籍屬其民而有明踵元舊事大為恢拓竟
耕犁而呼畎之以蠻治蠻即以蠻攻蠻雖土兵調發

實始之周武之伐紂孟津大會早已徵及庸蜀羌髳
微瀘彭濮諸蠻而蜀漢昭烈授羅如李恢為郡功曹
主簿晉帝以興古爰深作本郡太守宋太祖用瑤人
秦冉雄使自治辰州此即土官土吏之所始然自周
武以後未聞有調蠻一兵而漢唐職方亦曷有一峒
一寨登版記者蓋疆域無常隨世啟闢有明三百年
則車書極盛之會也然馭蠻之法僅在羈縻使其大
姓相擅世積威約蠻性慙慙而各戀其主易為統攝
其假我爵祿繼以虛名實無煩銓宰之予奪而折筭
所使奔走為命第恐徵調日繁急則生怨萬一踈縱

則反滋地方之擾為患不細故歷朝徵發不為無功亦不為無害自私正前後凡議大征者無不藉狼兵土兵而究之功罪相半此王守仁議勦賊不徵狼土而賊卒以定蓋控馭得失亦考世者所鑒觀也若夫土官土吏彼雖固有而必自朝廷設之以重其事所謂以虛名收實利者強狄之繫維生駒之羈勒如此而已故洪武初年凡西南夷來歸者即用元官授之而定其賦稅差役其土官名號曰宣慰司曰宣撫司曰招討司曰安撫司曰長官司初皆隸吏部驗封而後以土兵相制半隸武選凡襲替則必奉朝命其無

子弟者即妻女皆得承襲雖數年之後萬里之選亦必赴闕受職迨天順末詔許土官繳呈勘奏即與冠裳於是介使未將威福自恣至成化中又有納穀備賑之令則規取日陋離畔日生雖至孝宗發憤釐革而正德以還陋習未厭暨嘉靖九年始毅然復祖宗之舊令該府州縣正二經歷巡檢驛傳三百六十隸驗封宣慰宣撫招討安撫長官一百三十三隸武選其隸驗封者布政使司領之隸武選者都指揮使司領之文武相維機權攸寓細大相關股掌易運蓋擴悍桀驁其性猜忌讐殺其習烙鐵善走拐腹善聞其力

孰戀窰穴不忍遠離假重爵命威制服屬其勢知其性與習則不宜喜功生事而知其勢與力則勢可以為我用而力不可以使之自用其間歷朝統制或得或失昭然具在述而紀之為土司傳

湖廣土司據湖南巫黔中地內錯辰常外連川貴溪洞深冥多苗民為寇元末尤甚偽陳友諒竊據湖湘間每招引諸苗長官以輔鬱肘帛戔之立應本寨不足即乞之傍寨破城陷陣所向無敵時高皇帝即吳王位大敗友諒於鄱湖諸苗震恐跳岸走是年湖廣安定宣撫使向思明等遣其溪崗長官硬徹律以故

元故授宣敕及印章來獻請改置官司命仍置安定
等處宣撫司設宣撫使二以思明及其弟思勝為之
遂置懷德軍民宣撫司以所附向大旺什用為宣撫
使南木什用潘仲玉為統軍元帥沒葉什用硬徹律
為抽攔不夜黃石三長官司而慈利土官覃度亦以
故元所授叅政照會三到來獻即置慈利軍民宣撫
司以度為宣撫使度貢馬二十匹會吳元年左右相國
徐達按視湖湘以楊璟為叅政令之招撫而別遣指
揮使王遇成等攻討諸苗之未服者乃隨服隨叛遂
命汝箕侯周德興東川侯吳海晉定侯陳桓靖寧侯

葉昇逼平蠻寨大破黔辰九溪施南散毛鎮南大旺
諸洞於是改保靖安撫為保靖宣慰以土官彭萬里
為宣慰使改永順宣撫為永順軍民安撫以土官彭
添保為同知總兵官一時瀏陽黃寧茶鄉譚悅道湘
陰吳仁琮劉玉容美洞田光寶思沅兩界黃元明桑
直荒溪諸洞墨色什用各以來歸附並授官去當是
時田州岑氏龍州趙氏播州楊氏貴州安氏其雜處
兩廣川雲諸大姓畏威懷德以次服屬有明三百年
撫有西南開國萬里實自此始雖曰天命有歸抑亦
控馭之得其道也大抵苗種自長沙沅辰以南與氏

毛混雜其人蟻聚螽集有村寨而無城市隸官者曰
熟苗否曰生苗魁結跼躑躑荆棘若猿狖班衣無衿
禮納首以竅而挿鷄毛於其顙負蘭抱弩童時稱馬
郎施環耳間婦女雜被以海肥銅鈴藥珠如纓絡然
行歌誘馬郎而教之淫至仲春合婚則大集馬郎出
室女襍吹愁笛壺笙擊長腰鼓跳舞月前名曰跳月
老人騎木馬酌酒聽馬郎擇女負去自為婚而後估
女貌而責以婚儀有不能償者歲責之雖髮種種不
少貲飲食惡草以蕎灰和秫糜釀為敗濁襍投以魚
肉蠅蟲營營名之曰醅問家之富則曰蓄醅桶幾世

矣歲時召親串撾銅鼓鬪牛而到其負者授牛角子
孫曰某祖食幾牛矣要約無文書刻木為契爭訟則
推一人斷曲直曰行頭曲者姓以籌量所姓籌多則
擲籌三曰一與天一與地其一與和事之老然後責
贖其餘者言語侏儻非重譯莫解呼曹偶曰同年呼
其青曰茫呼人曰反自呼亦曰反猶吳人呼儂然性
猜忌好讐殺操戈羣行報復不已故諺曰毋讐苗世
不休嗜利絕禮讓廉耻擲片肉於地即爭趣若犬豕
喜人怒禽生不識年月以鼠馬記子午每歲首諸苗
慶賀擇冬三月朔各尚其一曰開年俗信鬼祀竹王

祠及磨嗟神廟時時治蠱設蠱神合毒藥傳弩矢中之血滯縷殺人其在金筑者為克孟牯羊二苗在獨山者為九名九姓苗在平樂為紫薑苗在白納者為賣爺苗在葛彰葛商為短裾苗在陳蒙爛土為黑苗又為天苗凡數千里內相繼歸附其為種不一而風俗畧等國初設宣慰司二曰永順曰保靖其在永順者有南渭施溪上溪三州土官在保靖者有陰隆杜望滑石三廵檢司土官俱隸布政司其既也三州隸都司而保靖所轄長官祇五寨田氏因元世襲至永樂初指揮龔能始招來算子坪等處三十五寨生苗

廖鹿等四百五十三戶乃設草子坪長官同隸保靖
以鹿為長官而別設答意治古二寨長官隸貴州宣
慰安置生苗各野龍答哥等凡舊置施南衛軍民指
揮使司有故元世官不能襲者重設施南散毛諸長
官分隸安撫令覃田黃向諸大姓各有所屬於是設
宣撫四先置忠建容美而復以施南散毛型為宣撫
設安撫八曰東鄉五路曰忠路曰忠孝曰金峒曰龍
潭曰大旺曰忠峒曰高羅設長官十九以臘惹洞麥
著黃洞驢連洞施溶溪白崖洞田家洞六長官隸永
順以五寨草子坪二長官隸保靖以搖把峒山愛茶

峒下愛茶峒劍南木柵鎮南唐崖七長官分遠施南
散毛忠建其餘四長官曰椒山瑪瑙曰五峰石寶曰
石梁下峒曰水盡源通塔平則專隸容美蠻夷五長
官曰鎮遠曰隆奉曰西坪曰東流曰臘壁洞則分隸
東鄉五路及金峒大旺之間至宣德二年增設石關
洞長官隸之金峒而其餘如故

大蟲可宜者保靖宣慰使也與彭藥哈婢同管司事
曾殺彭藥哈婢而自死於法其孫彭惠為土舍據西
江口地恨祖輩職無所襲而彭藥哈婢孫九霄得襲
祖職為宣慰也忌之目為讐正德中檄清宣慰地復

奪惠西江口七寨還之九霄則警甚會永順宣慰使
彭明輔與惠婚姻惠假明輔兵大起警殺鎮巡官屢
檄不止前後許奏凡八十餘上時多不直惠鎮巡官
繫惠於獄而明輔攻獄奪惠去然後復還惠繫獄帝
乃遣都御史吳廷舉會鎮巡官議議惠當坐誅而以
夷情難盡法第徙惠辰州特設大刺巡檢司一使流
官主之而惠為流土舍協司事聽調贖罪

嘉靖二十六年沅州麻陽苗殺沅州衛百戶陳思合
貴州苗龍許保吳黑苗剽攻湖貴間兩廣總督侍郎
張岳以招撫無效急議進剿會苗陷印江寇石阡府

教授毛淵統民兵嬰城而恭將石邦憲勇敢能殺賊
大破諸苗擒許保母妻姬女殆盡而許保與黑苗跳
不獲陰結湖苗之附己者田應朝等且竄且掠至思
州詐稱瞿塘卒更戍入城執知府李允簡去邦憲邀
其歸驟擊之奪允簡還而許保仍遁岳乃購降苗麻
得盤吳老猱等偵許保所在值許保易衣至苗家吊
喪路縛之而遣土目斬黑苗於別洞中燻其頭以獻
并捕殺湖苗之陰附者田應朝等三十三年萬縣黃
俊者入龍潭安撫司據支羅山洞與其子黃中白晝
殺人捕繫之會白草番反中乃為父請從征立功而

自乞為副既出則附反者副使熊遠等復以計擒俊
獲死獄中而中則仍歸舊巢築牛欄坪寨守之號天
城流劫奉節雲陽間四十四年川湖兵夾勦中力竭
復降寨市中

貴州古羅施鬼國自蜀漢火濟從諸葛亮討孟獲有
功封羅甸國王嗣後唐阿珮宋晉貴元阿畫世居水
西有壽土洪武初阿畫子霽翠與蒙古弓又名宋欽
者皆以元宣慰使獻地歸附太祖嘉之使仍為宣慰
而普定女總管達爾及其弟阿甕亦以來朝投達爾
女知府賜以錦綺當是時已開貴州設貴州長官司

命都指揮顧成指揮馬華鎮守之築城建石門五將
以立州縣而未逮也既而思南宣慰使田仁智思州
宣撫使田仁厚爭先納款獻鎮遠古州軍民二府及
婺川功水常寧等十縣龍泉瑞溪岔河等三十四州
地即以其地隸雲南管轄而以霽翠所守地隸之四
川翠復請開隴居犵狁以拓己境不許於是成乃討
新添諸寨闢草萊使征南官軍得以取道而指揮張
岱平谷峽刺向關破的教寨同知吳汝平江力江松
殺播桶破下沙木洞信國公湯和江夏侯周德興從
楚王楨討思州諸亂寇破上黃洞殺吳面鬼俘四萬

餘衆且與江陰侯吳良平潭溪古州二百二十三洞
籍其民一萬五千人都督楊文同知韓觀勦古州洞
蠻林寬俘其衆三十岡等而顧成又復勦平平洲六
洞螃蟹天柱天堂大坪小坪諸寇凡一百三十七寨
會文皇即位思州宣慰田琛與思南宣慰田宗鼎構
怨相殺而副使黃禧佐琛攻宗鼎宗鼎走琛殺宗鼎
弟發其祖墳墓而戮其母屍時顧成封鎮遠侯以兵
五萬討之執琛與禧而琛妻冉榮復招誘臺羅抗命
帝乃因琛禧思赦宗鼎而宗鼎倔强且自愬祖母阿
施曾召禧與姦造禍本殺已祖母亦許宗鼎殺親母

竇胤妻女乃合治宗昂琛重罪使子襲而琛母楊氏
宗昂妻冉氏皆前後赴闕朝貢乃以思州思南三十
九長官司改設思州思南鎮遠黎平石阡銅仁六府
並普安永寧鎮寧安順四州陞貴州為省而以布政
司領宣慰司一曰貴州領安撫司一曰金筑領長官
司五十二曰貴竹水東青山劄佐龍里白納底寨養
龍坑上馬坑小程番盧番程番韋番方番洪番卧龍
番金石番小龍番大龍番羅番盧山水德江蠻夷思
印江沿河祐溪偏橋石阡苗民萬彰葛商龍泉坪銅
仁省溪提溪大萬山烏羅平頭著可募從頂營十二

營康佐營谷寨西堡木瓜麻搗大華都勻邦水平浪
平洲六洞九名九姓獨山州合江州陳蒙爛土豐寧
鎮蠻夷長官司二十曰中曹車西都坪峨異溪都素
朗溪鎮遠金容金達邛水十五洞潭溪八舟洪州洊
里曹滴洞古州西山陽洞湖耳亮寨歐陽新化中林
驗洞赤溪浦洞龍里都司所領長官司十二曰新添
小平伐把平寨丹平丹行楊義麻哈樂平平伐大平
伐清平平定其布政司官屬俱用流官獨府官以下叅
用土官十五人鎮遠府同知一通判一推官一司獄
一安順州同知一晉安州判官一婺川縣知縣一縣

丞一曹沙渡筑城河盤江谷龍鄉成河覃韓偏刀水
都儒五堡三坑巡檢七其後隆慶中改貴州宣慰司
為貴陽府普市守禦千戶所為凱里安撫司而增樂
平平定二長官司於都勻府蓋蠻種不一有狎獍狔
狔朱猺獍諸名皆剛悍嗜殺外慈而內黠信巫屏
醫入死則曰鬼棄之矣不哭至明年杜宇鳴然後號
咷而思之以丑寅卯三日貿易曰牛場虎場兔場每
把忌必杜門不出越若干日而後已犯者不吉其居
水西曰烏蠻為黑羅羅居慕役曰白蠻為白羅羅深
目長身荷理而戴笠束以韋索左肩挂羊皮一方佩

長刀箭箠多氣力為諸苗冠諺曰水西羅鬼斷頭掉
尾言至死猶健舉也為人戀主故安氏四十八部世
掌其土無所忤男女皆跣足棄絕禮教父兄弟死則
收其後母而妻其妻新婦見舅姑不拜裸而進鹽曰
奉堂白蠻稍貧食鼠雀蟲螺鰕噍若屍女子擇善淫
者而取之其名花佬者蓬頭赤腳輕死好鬪殺腰繫
桶裙以布為之花布為花佬紅布為紅佬花佬在平
伐者為打牙花佬在新添者為剪頭花佬又有猪屎
花佬不繫卧猪欄中又有林佬有群獠一曰楊黃好
鞦韆善淫其名种家者頗類中山嘗棲居飾婦以長

裙紉績而覆以青衣髻髻蒙單纓若冒絮然未嫁者
雜奔不禁嫁即否家家擊銅鼓為樂有宋家蔡家相
傳春秋時楚子俘宋蔡二國人而故之南疆遂為夷
而起家為馳後冉家為笱後冉有砂坑土人嘗採砂
若鑿謂之砂床良者比箭簇設戍守之而因以為利
別有尾灑尾灑者水下也人死以杵叩椎塘而歌椎
塘者白也至若龍家則俗類狎家而衣尚白遇喪服
則易之以青然有所謂小頭龍家大頭龍家狗耳龍
家者大畧諸蠻尚淫多女子為政其襲替多女土官
異於他族而在洪武中有奢奢事

奢香霽翠妻霽翠與蒙古反同歸附而蒙古反死其妻劉贖珠襲宣慰使朝貢賜錦綺霽翠羨之於其再朝則遣妻奢香隨贖珠後率土酋十五人貢方物馬匹太祖大悅襍賜文綺織錦珠翠如意冠金環繡衣遂於霽翠之死奢香亦得循例赴闕襲宣慰使顧香度事上而傲於待物既襲頗自大都督何福討羅羅還奏香桀驁不用命當並致討不報而香感上意於其年冬急遣子婦奢助平把事頭目尤則醜罔入貢則賞賚尤厚時都指揮馬華者開晉定驛傳役以官兵將盡驅諸羅為郡縣地而苦讎其間會香為他羅

所許華故惡香傲至是欲辱香賦諸羅怒然後俟其
反而加之以兵乃驟檄香至若責簿者叱壯士裸香
撻之香怒甚斷所佩革帶誓必報而四十八部羅咸
集軍門憂願願掃境反香曰反非吾家法且反則彼
得借天兵以臨我中彼計矣夫我之所以殺之者有
在也謀之贖珠贖珠曰盍見上愬之乎曰愬則何以
殺之贖珠曰夫上之所以重華者以其能開郵驛恢
邊境耳今四川道梗未易通達吾能助蠻兵為上開
思南鎮遠龍輦羊腸諸道以達邛蜀上方倚賴之不
暇何惜此區區啟邊釁者香曰然遽邀贖珠行而已

與奢助率各部把事隨之入貢具言華教變及諸羅
欲反狀願効力閉西鄙世世保境以乞除此害帝且
驚且喜曰吾固知此奴妄果然微若言幾敗乃事矣
乃責奢開道而中華以事殺華奢遂開偏橋水東以
達烏蒙烏撒及容山草塘諸境且立龍場九驛歲歲
供馬匹廩積以通往來而西南益開

宣德二年水西宣慰頭目阿閉妨宜與普定衛西堡
長官蠻民阿骨阿哈共為亂貴州總兵官蕭授上書
請討帝不許敕遣官撫諭而群苗大起有底寨千妙
豐寧羅父蕩谷旺甲農甲起平若阿夜谷把革子裸

晉安州裸草治古荅意石各野銅仁平頭著可笕橋
石鷄娘草子坪吳畢卽等各聚衆相應初上意主撫
謂蠻夷僻遠不宜與爭茅寃以撫之使之自來因盡
蠲其戶丁銀糧諸賦稅而蠻民負固殊甚遂至治古
荅意新卽諸寨殘苗吳不兒等結生苗龍不登糾合
下高大刀蠻民劫畧城郭殺軍民燒公私廬舍不得
已乃始調湖廣四川官軍及各長官土兵以總兵官
蕭授及三司御史統之且撫且勦而其患始息其既
也新添衛丹行長官故土官子羅朝扇與逃民羅阿
記等復蠢蠢動會指揮僉事李政鎮撫有方為蠻民

所信而以他事被逮去至是復政官俾守之其餘都
勻衛陳蒙爛土諸苗韋翁同等有未靖者議調廣西
泗城州土兵千人立堡鎮其地至正統中兵部尚書
王驥征麓川悉調貴州兵以行而貴州空虚久之諸
苗反驥還討擒首韋富挽等獻俘而驥以老病告歸
使侯璉代之璉駐師雲南相去遠保定伯梁瑤自湖廣
奉命入貴州未至其當推貴撫無敢往者獨修撰王
恂慨然諸行行則平越新添畢節龍里諸衛已圍困
久兵少不敢近景泰元年吏部侍郎何文淵上言貴
州總兵官生分激變已非一日今兵疲民困又當遣

將征南之際湖廣雲南四川三布政司轉運不給費
州山高嶺峻本難設守而蠻人叛服不常乞敕兵部
會多官議其被賊燒燬衙門勿復起蓋暫將布按以
下及各府大小官吏并從征官軍盡行撤回祇照洪
武年例設宣慰衙門管屬土人設都指揮等官鈐束
軍衛而以大將鎮之守便時邊警方亟衆唯唯謂文
淵言是獨兵部尚書于謙執不可以為太祖高皇帝
開創於前成祖文皇帝經營於後迄於今將百年矣
法制已定勢無可更比來以邊將處置乖方加以征
南之師數出遂致賊寇竊發勞師遠征然且一年之

間各該城池雖被圍困而官將死守未之稍變今總督總兵叅將廵按三司等官初未嘗言此地可捐棄也其請兵請餉亦未嘗言此地難與守也夫土地者祖宗之土地人民者祖宗之人民萬一缺軼猶宜補救今堂堂布按盡轄其地小有枝梧而動言棄擲日蹙百里伊誰之咎文淵先曾奉使貴州脩諳山川險易夷情向背宜量從陞職給敕以往令相度形勢便宜行事至賞賜銀幣即就彼官庫支給不必京師運發議定請旨景泰帝是議言然不淺差官祇著侯璉梁瑤整理進勦時王驥尚候代未行并勅協力於是

副總兵田禮進兵解平越圍侯璉調都指揮鄭偁及
都盧等寨宣慰璫宜勦水西梁瑤調雲南兵由烏撒
會於畢節調普安州土官隆本援安南衛遂寇彌勒
安南等一十餘寨降阿蒙等五寨賊復圍平越璉回
兵擊却之分哨七盤坡羊腹河楊老堡解清平圍仍
哨清平迤東至重安江與王驥兵會自是隆安至鎮
遠道路皆通而普定之圍未解璉選雲南善射者為
前鋒自將之至普定疾戰矢下如雨賊大敗驅之時
田禮等以兵來會遂大破龍里冤橋及新添平越清
平都勻諸賊貴州盡平

成化初山都掌蠻叛兵部尚書程信襄城伯李瑾統
番漢兵急討之兵至永寧瑾督大隊入金鵝池而信
分餘兵作四哨並進連破二十寨獲銅鼓數十斬首
五十級生擒百人賊走入山洞瑾命軍士遍塞諸洞
門而環以兵月餘死洞中臭達十餘里其後蠻民每
保洞官兵輒相嘲曰洞莫関有臭蠻

十七年貴州程番知府鄧廷瓚奏本府學校中有土
人子弟在學者宜分別處置以示獎勵帝曰蠻夷嚮
化其意可嘉既已遠置生徒有同內地則一體相視
原無分別祇科舉文義未易猝辨先應歲貢生員一

余俾觀光上國相勸於學以稱立賢無方之意諸蠻
大悅既而蠻性終未馴廷瓚去諸苗稍稍叛乃復起
廷瓚憂服加副都使提督軍務窮靡之至弘治初提
學毛科以文試土生倣廷瓚意多獎勵會土官鐵氏
貢固其姻家有毛氏土生入試科優禮之取高等譬
以大義令諭鐵氏使歸順鐵氏大感與毛氏初約納
賦稅入貢而太監蔣琮謂科與蠻族通姓利蠻所有
大不道賴巡撫解免其後蠻民亦稍稍有向學者
晉安州土判官隆暢有後妻曰米魯貢美色嘗以忤
暢出居其父諾益州土知府安民家暢前妻子禮因

暢老奉朝命替暢為判官而聽營長阿保說父子間不相能米魯覘知之諷阿保使禮迎已而先與阿保通阿保盛稱米魯思禮狀禮念魯色美且惡暢竟迎魯同室居蒸魯且召阿保雜淫之暢聞大怒立殺禮燬阿保寨阿保乃挾魯統其子阿鮮莫阿不克抗兵攻暢破暢百寨餘暢敗竄之雲南時東寧伯焦俊為總兵官與廵撫錢鉞召阿保及暢曲為調釋而誓以官法兩家各唯唯於是暢臨訣米魯出送暢拜且泣親掖暢上馬陰中暢毒暢路死阿保與魯據寨反會暢別有妾適烏生二子曰珣曰瑤居安南保魯欲並

殺珀瑤絕暢後事成王諸蠻不成猶得以女土官襲
職乃於安南城外築阿先硬寨親守之而別築青黑
猴塲查刺三硬寨於普安州施長江諸處令阿鮓莫
阿互兒互為防守更名所居寨為承天寨號無敵天
王出入建黃纛御史張淳敕捕之不克賊益橫鎮巡
官以聞乃命發十衛官軍及諸長官司土兵萬三千
餘人分道進兵且召安民貴以匿賊狀使殺賊自贖
民乃率土兵攻斬阿保父子於查刺寨米魯亡走久
之焦俊葵言賊弄兵十年先後擄夷寨百三十餘殺
擄官軍人等無算而女戎擁黨尚匿土官安民家不

法孰甚仍宜責民勦餘賊或獻牝自贖而安民承命
陽為進勦反陰資米魯蠻兵五百襲殺適烏及二子
珣瑤絕顧望乃密遣營長福祐隨米魯頭捷別寨大
殺畧且投牒鎮廵乞以女土官襲職廵撫錢鉞以副
使周鳳都指揮劉英吳遠指揮任禮張英穆少監
楊友總兵官焦俊皆受魯賄請宥魯聽襲而奉旨切
責必得魯乃已會貴州副使劉福自詭知兵衆倚之
追勦而仍作移文取賊賂賊憤甚乃襲殺周鳳吳遠
劉福等執楊友而指揮史韜問鉦李雄郭仁李宗武
等皆轉戰死帝乃命南京兵部尚書王軾廵撫陳金

都指揮李政等統官軍進勦奪友還破阿舊阿滿阿
黑阿維二十餘寨斬寨首阿烏阿宗及福祐子阿咎
擦賊機車生擒米朶阿舊目波衣江西賈人龍清監
生洪子華而米魯福祐皆竄走匿馬尾籠無何
大兵合圍之乃擒米魯福祐妻攝受妾適固子阿雜
等斬之而下安民於獄既而民自辨赦民以元年
賜族土婦遣擦襲土判官職親赴京朝賀貢馬帝甚
嘉之或曰適擦亦暢妾

阿漢清平衛部苗衆驚多智有養子阿刺饒臂力能
披甲三重運二丈矛躍地而起越三五丈兩人謀勇

相資橫行諸苗間假子毋用苗利而誘他苗為偷兒
間劫旅商有官兵探捕者反為之居間邀重賂不則
捕遠苗之不伏已者強指為賊鎮巡以下則實納歲
幣以為之地弘治中巡撫孔鏞初到官惠之詢之藍
軍總帥皆譽溪刺如一口鏞大怒親往清平訪部曲
中最能者得指揮王通歷詢苗害應如響而獨不一
及溪刺鏞微探及之通愕然既而囁嚅鏞怒叱曰汝
謂我不能殺溪刺耶雖然吾能殺汝按劍前通不得
已始道狀且備言所以黃緣要上官者鏞詢得其人
一指揮王魯一總旗陳瑞鏞立劫魯瑞欲殺之令畫

計擒溪刺自贖曾瑞乃詣鋪設伏而以計誘溪刺出
觀閩牛草間伏起縛溪刺磔之其後有阿傍阿皆阿
草於正德十一年據香爐山稱王遍攻興隆偏頭平
越新添龍貴諸鎮道路皆阻巡撫曹祥檄諸路兵進
勦不克乃奏請總兵李昂及湖撫秦金會勦擒賊阿
革阿義阿黎而香爐山險百攻不能下乃募劉紀禪
及鐵猫爬山虎諸具督令宣慰彭九霄彭明禎等選
精銳緣崖而上拔木柵縱火焚巢斬賊首阿傍等衆
勝勦黑苗破龍頭寨及都蘭都蓬密西大支馬羅擒
酋阿茲等其天漂天壩黎從楊保苗坪諸寨悉聽招

撫復業者三千八百餘戶斬首一千五百七十九級
通撫苗衆三百七十五寨捷聞下璽書獎諭賞賚有
差

正德十年金石番長官石承隆殺其兄承選死子臣
擒之死獄中其年銅仁苗龍童保與鎮溪苗龍赤防
算子百夫長龍真糾衆為亂都御史沈林湖廣都指
揮潘勲會兵征之連破領算亞苗亞保生擒童保麻
陽及其家口而釋其餘叛者
永西安氏者鬻翠後也自奢香之死其弟安勻孫安
貴榮後承襲故世稱安氏但驕蹇不受節制即聽調

從征非邀重賞不赴且渺視官軍嘗睥睨省城曰是
直用水西瓊衫疊寨耳正德中貴榮以從征香爐山
有功加貴州布政司叅政猶怏怏乃奏乞減龍塲諸
驛以償其功事下兵部議時兵部主事王守仁以建
言謫龍塲驛丞貴榮敬禮之守仁乃貽書貴榮止其
事其畧謂祖宗制度不宜擅改擅改者謂之亂雖
在朝廷猶不可況其他乎夫使君之先亦何不爲
効累行可長斯土而自唐迄今世官不改亦曰有朝
廷法制在也今日驛可減則世官革久矣且夫既爲
世官則爲朝廷剷除寇盜正守土常職而乃藉區區

征調用以邀賞則使君歷代恩寵將置何地况使君
得政叅政原非設官之舊今復干進不已萬一典錢
者曰向係土官故長有其地今叅政則流官矣東西
南北惟天子所使於是下方尺之檄委以他官或聞
或蜀誰敢勿行由此言之龍場諸驛非使君不可也
貴榮得書悅然驛竟不減既而宋氏部羅叛徵貴榮
兵不至守仁復貽書責之竟至貴榮死子萬鍾襲萬
鍾驕縱甚於貴榮有漢民張紀土目烏掛謀之惡每
游獵酒酣輒射人為戲嘗捷夷民角藥抹鬼阿內抹
蔥四人怒之一日集督府督府未出候於外有賊刃

萬鍾頭去索賊不得既而稍稍知角藥四人而四人
已避時萬鍾無子其三弟萬鎰以賊未獲故辭謝間
統與烏掛遽保其疎族晉者冒萬鍾弟曰萬鈞告襲
指揮胡永遠朱蕃祖勲前後承勘受其賄匿情報鎮
剋等官請暫委萬鍾妻奢攝攝宣慰事待晉者年長
而後承襲於是萬鎰悔辭謝使人說烏掛不決大恨
乃借所親雲南女土官奢爵兵並己兵共數千人襲
烏掛烏掛覺之亦募兵數千相讐殺而角藥抹鬼阿
內三人適在境為亂兵所斃惟抹鬼逃免烏掛因輕
萬鎰殺兄萬鎰亦誣兄為烏掛殺疏十餘上下鎮剋

勘驗刑按胡瓊上狀言萬鑑宜襲但與烏掛互相誣
訐宜各治罪令輸贖就坐遠戍著勲永遠奢爵俱逮
問梟角藥等首捕抹蔥而罰布政使趙文奎等之納
賄者萬鑑乃承襲收嫂奢播為妻仍推諸嬖萬鑑兄
子阿罵幼嘉靖七年提督尚書伍文定請其序萬銓
攝事俟阿罵長承襲久之阿罵襲萬銓去位而阿罵
又死阿罵子國亨幼夷民仍請萬銓視事俟國亨長
承襲至嘉靖四十一年國亨承襲萬銓又去位而於
是有安智讐殺之事

嘉靖元年貴州巡撫湯沐上治苗三議一預定土籍

夫土籍不明則系奪所由起也今土舍傳接應如
軍職貼黃例各於歲終上其世系履歷及有無嗣子
於布政使司司又上其籍於部而起送襲替可按籍
定矣議一一嚴飭土學凡上舍應襲者年三十以下
俱飭入學習禮否則不許起送襲替其族屬子弟願
入學者聽凡一切補廩科貢與軍民武生一體則禮
教可行夷俗可變議二一清查軍伍請以五年為率
通計天下衛所軍士舊在新勾以科逼在逃者指揮
以下議尉都司泰問其清軍御史不第清坐勾軍丁
且無理缺乏軍伍令所在有司各開報解發收伍名

籍於都布二司二司呈送清軍及巡按御史彼此恭
証則諸弊可革議三

三年鎮遠土推官楊載青以土舍襲職嘗中貴州鄉
試巡撫楊一洪請如武舉襲廕例加陞一級以爲遠
人向學之勸而吏部不從謂土司額設原有定員且
俱已在任有何加陞但於本衛量加俸級著爲例報
可

都司部苗王柯向者屢擾凱口罔稱亂官司不能制
遂於五年夏發兵攻平浪鎮巡官招之不下詔遣巡
撫陳克宅調土漢官兵三萬集罔下罔故絕險賊復

於要害設弩樓疊石防守攻三月不克乃先分兵歷
破賊黨凱首等國隨招降附近諸苗至四十九寨賊
稍離散然後令土官安萬銓購壯士能獨扳者乘夜
雷雨以鐵鈎縛手足若指爪然攀崖援木而上然後
用輓梯鈎繩使衆軍魚貫躡絕頂發弩石下擊總兵
楊仁等督各哨仰而夾攻之萬銓兵自山後馳下開
國門遂斬阿向及賊黨十餘人凱口盡平是日斬首
二百五十級俘獲四百招降夷寨男女二百餘口遷
旋師而其後復敗於賊也先是阿向之祖世襲土官
忽為平浪王仲武先人用計奪襲遂為世襲而阿向

亦復與仲武爭印割地相攻殺於是有凱口之役乃
凱口既平克宅議盡逐苗黨以其地屬都勻府召軍
民佃種改前圖曰滅苗鎮仲武因諸夷失業陰遣人
招復旋糾索之諸苗怨望私推阿向餘孽王聰王祐
朱免等為主謀糾合黑苗與其黨攻據前圖驅逐耕
種軍民多所殺兩鎮巡檢副使叅將守備等官分領
土義兵進勦賊亦乘兩夜襲破守備鐵冠諸營生執
叅將李宗祐指揮陳佐周鍾并百戶軍舍等三十餘
人詔革總兵官楊仁及前任巡撫陳克宅職停監軍
副使陳則清兵備副使林茂竹俸祿指揮守備等官

及鐵冠王遠周仁等四十人冠帶而下王仲武於獄
既而巡按御史楊春芳遣官撫諭賊爭赴訴求還土
田并復其官印乃顧釋宗祐等謝罪而究無成說嘉
靖十六年都御史汪珊仍調土官安萬銓都指揮朱
文指揮李木統土漢官兵三萬有奇集囤下萬銓親
卒花鎗守與賊相拒賊敗走渡河萬銓追之文等三
面並進因樹招降旗於道賊走旗下者五百餘人聰
兔據險下石我兵殊死戰遂破其囤斬兔等聰冒雨
潰圍出為萬銓部兵所執已而賊酋王祐等復入據
囤隨執之賊平是役也前後斬首二百餘級降苗寨

一百五十俘獲賊黨男婦二萬餘口

靖爾山界辰州銅仁之間有草子坪土官田興爵者
以事繫辰州獄諸苗賂吏計脫興爵匿山中久之興
爵遍淫諸苗婦反虐諸苗之脫已者諸苗怒逐興爵
據靖爾山反銅仁苗久逋稅知府按籍責見戶見戶
且亡命有司者責其上官於是平頭長官挈印逃去
諸苗騷然共保靖爾山結寨自固守臣討之不能克
帝就家起萬鏜為副都開府辰州命相機進剿鏜徵
諸路土漢兵討之四年終不克去二十五年巡撫姜
儀言鎮草銅平諸苗皆互相援結而土官從征者復

故為放縱以致有是自今以後宜責宣慰彭蓋臣彭
明輔指揮田應朝等督土兵同漢兵會勦不克者治
之以法而田應朝者本土指揮雖用為巡捕反煽諸
苗亂陰結叛苗龍許保吳黑苗流劫湖廣辰沅間於
是命侍郎張岳力勦之計斬許保暨黑苗并杖殺應
朝而其亂始定見湖廣麻陽苗傳

當萬銓之去位也有二子曰智曰信智出居織金阿
魏而信留事國亨國亨淫虐嘗暱吳瓊吳珂而通其
妻若妹絕愛幸令百姓謂瓊珂皆跪叩頭如謂亨信
諫之惡信其既以他事罰信馬信買珂馬進亨知為

珂馬也復給珂信大怒嘗醉伏解召卜麻必覺語曰
吾欲殺吳珂如何卜麻唯唯會夷目阿戶聞之以告
亨亨殺信信兄智馳告其姪夫永寧土吏奢效忠同
稱兵討亨會亨與母祿氏擊烏蒙土知府福榮榮本
祿氏姪曾與弟烏慮有卻祿氏呼烏慮來妻以所部
女實佐使慮借烏撒兵圍擊榮而慮以出兵時淫所
部路珠妻女為路珠所殺亨并留慮妻實佐使訟榮
殺慮正會勘間而萬銓妻疏窮與土同知安國孝以
殺信告且發其殺四峒人及烏慮事帝遣給事與鎮
巡官雜治而亨已與兄智及奢效忠戰於朶泥橋大

閔互相殺奪亨奪智及效忠所部阿祖罵雍沙那者
抵者墮者頗褒遮班鳩阿宗而智及效忠亦奪亨所
部勒魯革魯豆得劄果底威索務驢白非自水西谷
里威濟奢香陸廣金雞諸驛皆阻廢不通都御史阮
秉中御史鄭國仕等初議調諸路兵大勦亨亨自知
不法頗思既而議夷俗讐殺縱稱兵革當就吏議曲
直不宜煩我兵革遂遣宣慰宋一清約法令究殺信
罪且獻諸主謀者亨大感立獻阿第吳瓊吳彤務卒
惡卒吳珂何高等以獲與前而後乃對簿伏殺信狀
當死於是以三萬五千金自贖而以六千金贖務卒

等事定亨與智俱去職令亨子安民行宣慰事智子
國貞行夷月事而亨所部阿撒沙拱阿朋阿豆復以
私憾殺智卒四人傷一十六人智復報殺仍具獄萬
曆改元都御史蔡文都司高金宸麻哈守親詣木空
河獻不決其明年秋都御史羅瑤下同知高任重司
理常正和襟獻復不決當是時智所主謀者吳鶴駕
亨所主謀則吳阿軻吳阿簡也亨暱阿軻與阿簡甚
於瓊與珂而阿軻與阿簡之妻若女其為亨所有與
瓊珂等於是按察使林烜章直索阿軻阿簡與鶴駕
同治罪且盡逐漢人之藏夷者而後使亨智對簿亨

乃大恩請輸的都朶伶及毛家可瓦大南王莊張三
壩豆紅崖左王右王陂花蔡官梨兜鮓醜二十四寨
與智和斛終智世而後還亨其一切所訟俱置不問
僅罰亨入穀千石智三百石贖罪軻箇以下皆輕重
輸贖有差亨乃益感矢報効以湔前耻時賣羔堡阿
占界首阿崖阿散皆強賊阻山公行亨悉擒捕膠致
凡威清平壩之間道無伏莽又水西酋長者普犯十
二營鹵土婦醜氏亨逮以獻兵備余一龍為之奏聞
值水西有阿列之酋谷里有阿古之酋白歸之酋白
縱之酋阿扯之酋威清有阿捕之酋奢香有沙遮之

酋阿白之酋陸廣有阿列之酋阿虐之酋普也妻之
酋金鷄有阿遂之酋其久充諸驛驛騎馬者皆前後
散去亨急為舉廢驛騎盡復乃悉令夷酋辟地墾草
勸農桑察贍貧者流夷自占而還者至一千五百一
十八人於是四十八部酋長十二宗親一百二十麻
葉永則阿體等匍匐告都御史王緝請復亨冠帶許
之其後萬曆十二年以他事復議號冠帶卒不果而其
後有奢安之事

苗坪天漂黑苗種也在湖貴川廣界與者亞昂足居
每入漢必道者亞顧為生苗前此未為漢屬其俗男

子蓮跣短衣而長禪而女子則花裙銀燭錄面深黑
色獨多力好聞萬曆六年天漂阿蓋等三十餘人詣
長官金篆所願輸賦役為編氓請刻木立信都御史
何起鳴下兵廵蕪愚問狀遣指揮郭懷恩及長官金
篆同往而阻於者亞乃遠從丹彭問道通天漂會苗
坪黨銀等十餘人亦詣篆所同天漂所請皆以者亞
閉關不得通時都御史王緝新赴官使使者簿責者
亞首阿斗謂斗故我屬何至硬道租鰥化者斗叩頭
服謂我等本年定部而養善牌故誘之因蹙去平定
而歸養善今養善奴視我寧能從乎聞關所以拒之

也今願往平定請以者亞定所屬因下吏議議屬之
都勻而都御史執不可謂平定孱弱無可藉其願往
詐也此必有主謀其間者獲下吏案驗果得實謂漢
人天金貴及張受主謀教言往平定而陰實借諸蒙
兵以襲養善乃治天金貴等罪令者亞一十五寨仍
屬養善牌如初而者亞路通於是苗坪天漂皆請奉
貢賦歲輸賦二十四兩天漂五十七寨歲輸米一十
二石貢馬二苗坪九十九寨歲輸米二十四石貢馬
四遂請符驗更冠服以華名名其牌曰歸化隸都勻
版籍凡使往自生齒以並悉跪拜送使至平定夾騶

從行前吹蘆笙唱蠻歌呼道而馳事聞帝嘉之各有
賞賚令苗岬立都保一人通事二人頭目十人寨長
九十九人天漂立都保一人通事一人頭目五人寨
長五十七人而以指揮一人軍二十人常從把總巡
徼寨上曰將軍令毋匿亡命毋動小忿敢不如令者
斬越七年者亞阿斗反伏誅乃復罷樂平吏目如麻
哈州州判一人令居樂平司而以養鵝者亞羊場落
郊餘甕河樂戶西諸苗皆屬焉

毛吳墜者永寧苗寨也其隣有長牛阿田者於隆慶
初曾出劫白節魯打單廣三屯都指揮陶昂持斧逐

捕之中流矢死而毛吳墜首長光賽光見攻剽羅紹
華張斌匡廷鑾殺羅顯奇五人斌上變言賽見攻並
及長牛殺指揮事萬曆七年詔令都御史王緝御史
馬呈圖督兵進勦而緝與呈圖疑所上不實遣晉安
永寧二知府按視長牛毛口諸寨覘變而光見知知
府至負弩出郭迎叩頭願將軍幸哀憐吾小人死請
輸貢賦比徧戶氓毋反乃拘使對簿無實釋之而坐
斌等誣罔律且以斌調永寧廷鑾調烏撒獄上初斌
上變時謂賽見所居在五龍止京箭林間宮室輿服
皆擬王者出入張黃蓋樹幡幟擊鼓號雲陽王大不

道故廷命進勅而皆無有張斌嘆曰吾北行時有阿
迷土目方仲八贈我百金為治裝以吾能告見反也
不如是吾何以對方土目哉

也香狗塲者貴陽苗寨也與者亞通婚媾酋長老頂
宋本我屬歲比通貢不得償恃高山以為險漢使至
輒走高山頂鼓譟詈罵使還報有司無如何於是稍
稍集亡命劫人奪金帛遂至反十一年都御史劉庠
檄宣慰安國亨宋懋德統紅兵勦之生擒老頂宋等
九千人梟以徇曰敢亂者有如此刑

答于鷄賈甲多者皆都勻苗寨也都勻苗者亞何斗

反而答千寨阿其應之斗誅阿其以幸免乃累累犯
塞十四年土舍吳楠王國聘慮阿其巨測禍及已請
以答千鵝賈甲多都定崖埋屬蒙詔立宣巖營設把
總一人而以蒙詔佐之凡答千一十三寨歲輸賦三
十九石中間答千輸十石著為令阿其獨不伏引者
亞殘苗團宣威營鼓譟曰阿地誰令而營居中乎蒙
詔常使使者阿卯老亂徵秋稅阿其度使至先以血
繫門令勿通居常張繖鼓角繪龍鳳什器遂與雞賈
甲多阿賣胖同阿烏斗留鐵仰枯高悶亞仔阿場豹央
者真唐靠諸苗擊牛酒為誓稱兵却歸化亭長巡徼

至答干問狀阿其出與戰。詈罵亭長去官。軍莫敢進。
獨山土吏蒙天眷。請於都御史顧提兵進剿。而先使
間者詳言漢已默蒙詔令以宣慰營地還阿其立阿
其酋長朝暮當撤兵去。阿其乃親馳樂邦牛場調往
來者言言皆符弛脩天眷乃設伏左右伺其間驟入
斬阿其并阿賣鐵仰枯等一十六級。難賈甲多皆歸
降。而於是屬蒙詔者自答干難賈甲多外又有塘娃
當井斗坡甲樹蠟白礫馬崖埋等一十七寨。

小橋熟苗龍木恰曾賜冠帶。視寨事年老。請子倖替
值。恭議給與糧與俸。勿及恰恰奪之。俸懇諸恭議下。

守備速恰恰揮其屬龍黨蕪鎖漢使已而逐之曰走
此我家事如再來則我當以爲難諸寨踐漢邊矣時
秦議秦奔翰頗立威聞其語即給籌與恰而以計擒
之死獄中亡何龍化龍羊山引川苗攻孟漢焚其邑
居已圍繞壩帶哨曰漢無故殺苗苗請報之官軍戰
不利既而都司蔡兆吉齎奉旗牌諭令降待以不死
於是諸苗皆散去俸視事如故

羅金寨生苗吳老天爲諸苗酋長淑浦人張把高盧
溪人吳老虎下里人楊武楊再興五寨人黃牯牛水
德人苟朝隆苟朝祖等皆依之時陳策爲將軍嘗捕

盜得朝祖再興擄掠放去而阿酋下水有酋長龍老
朋索老天遁錢掩至羅金寨擄把高妻向氏及楊申
兜等五人老天贖之不肯與反鬻之他寨老天與黑
潭寨吳小老天過索之稍聞申兜賣龍老求家為奴
而向氏無有朝祖故惡將軍策謂策實受賂縱苗虐
爾婦噉把高懇御史所而策疑吳小老天陰陽執小
老天同至羅金寨呼老天質問老天怒即老虎再興
等殺策反都御史舒應龍勦捕之老天與牯牛朝隆
走湖廣轉入大山崖匿錦朶山久之貴州副將陳天
祐搜諸山設伏獲老天等集之銅仁市

邛水土舍楊光春行邛水長官事而貪頭目彭必信
為之集歛民怨甚迺諸梁上巴野六甫鬼計諸苗寨
參議以上皆議請免光春改土為流議未行光春與
必信單騎遍馳所部莊寨始言漢兵勦夷民當歛金
贖夷民死凡三十六莊七十二寨合得金五百兩兩
人分其金都御史何起鳴調知之下都清道逮捕光
春繫獄瘐死不及必信於是用漢經歷劉試到邛水
管事立青頗茨瓦四哨每四戶擇壯兵一人邛水四
百戶戶不下二百人出為兵凡不為兵者佐糗糧三
斗魚鹽月人一斤有八兩皆廩食餘稅而簡土吏何

文奎等掌四哨別選精兵五十二人立營居中俾將
徐軻巡徼之未幾必信乃密訪諸苗謂新法不善不
利苗請與卞五洞洞長約為我治裝我當愬之朝以
獲舊例洞長唯唯乃議每洞出裝銀三兩合得四十
五兩走長安上書謂巴野梁上六甫地計諸寨酋長
喬薦苗女喬苗柴虎苗高良等數百人阻山為亂樹
旗幟鼓角攻七十餘寨殺男婦五百人而指揮使陶
啟忠不之問也反索土吏楊光春錢而殺之改舊例
用新法欲求苗不反難矣書上意自得歸謁知府王
一麟揚揚一麟叱縛之送司獄乃檄召諸苗以為必

信所奏喬驚事此在萬曆初孰與今日今日若第
不利漢吏耳乃假此為恢復計有國法在不便思若
等所惠苦或以兵餉戶賦米三斗過甚府能為若等
寬之故事本司歲給白蚡鋪米每洞月八斗凡一百
五十石他於平溪驛剩餘徵二十二兩此皆可足餉
今已後毋苦諸洞諸洞皆叩頭稱便乃坐必信誣妄
而新法竟行

皮林苗吳國佐少入學為永從縣生員驕黠有大志
居恒往來洪州草坪等寨相度形勢自謂皮林與九
股接壤山川險奧可因之成事於是帥皮林諸苗反

始播發難時皮林嘗助逆至是播滅乃結聯他寨講
營陣攻破永從縣燬城郭廬舍殺官吏劫獄囚而去
萬曆二十八年沅撫江鐸廉指揮李楷智勇請授楷
勦事會楷征播還自謂當便道埽除不煩專兵其明
年先遣他總兵進勦地險不得入且所遇潘老諸酋
引衆萬餘盡為牛首陣當者多傷楷嘗探苗洞得其
根株從叢菁中取道道僅尺餘旁臨溪不測步騎相
持如是者數十里且苗又斷溝畫壑布以竹簽楷所
在鎮接使壯士鄉黨逐步拔簽而後行乃先搏潘老
寨奪其險隘遂進擊賴洞岑朝一寨斬酋楊滿

生獲龍貴才吳寅龍諸渠膠致軍門轉攻六替
簡華海良萬等三十八級於吳破洪州破草壇斬獲
首酋及婦女牛羊無算乃進逼時洞時洞者國佐所據寨
也然國佐已竄去楷乃分遣偏將由他洞謀入而自
鎮游擊董獻策沈弘猷當其險者曰甘坤即俗名銅
關鉄寨破之而入窮追至赤沙至高茶生獲國佐及
石纂大金董四吳海等斬首五百八十二級諸洞悉
平捷聞帝乃賜金幣獎勵自總兵官陳遵以下
水西安國亨子驍臣曾於萬曆中從討楊應龍有功
及死無子而弟堯臣襲其職至堯臣又死子佐幼妻

奢社輝攝宣慰司事天啟元年永寧宣撫使奢崇明
反奢安本世姻而社輝又奢氏女其明年土目安邦
彥說社輝起兵應崇明社輝然之遂通烏撒土酋安
幼良合四十八部頭目安邦俊魯連安若山陳其愚
陳萬典等殺都司楊明廷於畢節戍知州郭俊義於
陸涼州境叅將尹啟易自烏撒奔霑益會霑益土婦
設科合幼良拒戰殺守備李如培周嘉映貴陽大震
先是水西未反烏撒衛指揮管良相覘事有變與巡
撫李標曰奢安久唇齒奢反安必繼之烏撒孤城與
水西相仇良相隻身無子當以死報國明廷奈

長策保障此一方民乎標咨嗟而泣良相亦泣
邦彥破烏撒良相自殺然後遣賊宋萬化裁據龍里
而自提兵圍貴州時城中兵少糧久匱標與巡按史
永安悉力禦之賊四而攻擊造雲梯深廂矢以必拔
鎮將張彥方將兵二萬赴援隔龍里不得近既而走
命新撫王三善進勦三善忠勇止平越平越兵萬人
副將徐時達將之戰瓮城不利叅將范仲仁坐視遂
大敗殺前鋒馬一龍等而軍士皆退三善急召諸將
曰事迫矣前則以戰死後則以法死夫死法與死戰
孰優尚何待也乃命諸道何天麟楊世賞各將兵從

他道進而自將二萬當賊鋒一日抵新添又一日進
母猪洞又一日次新安是夜報賊至合營驚擾議退
兵三善手劍疾呼曰退即死此既而覘無賊乃命劉
超為前部超三善同里人有智畧疾行抵龍頭營三
善身尾之相去不二里聞砲聲衆懼不欲前三善督
之既而超捷音至初超兵遇賊却超下馬斬却者二
人而自揮刀斷賊標時賊首阿成號甚超與步兵張
良俊直前斬其首賊披靡會大兵至齊進奪龍里賊
獲大集乃大戰却之遂據龍里城衆議休三善曰
我兵猝至賊無備此可以破竹而顧却之何

策馬前進衆隨之自平越至此凡六日抵城下
彥已遁遂乘勝窮追至畢節詰賊步騎如 皆自相
蹂踐而追騎如壩並進斬獲無算邦俊戰死輜重山
積時城守十月旦夕陷忽賊兵奔潰如蟻喊聲雷震
俄頃五騎衝鋒至城下曰新撫至矣軍民大悅慶更
生是時三善同將卒被虜單騎冒矢石以二萬人破
賊十萬標等迎入城三善不許曰賊兵不遠軍心猶
未定也我不可即安遂營於南門外坡上大雪次日
移營宅溪賊遠遁陸廣河外三善遣人諭社殫母子
使縛邦彥降不報無何諸路兵至三善既怒其後期

且憂乏食欲因糧於敵又諸軍視賊過易前鋒楊明
楷出戰失利陷賊中三善收兵入城既而邦彥復糾
宋萬化等來攻三善連戰於龍里青巖定番八姑蕩
屢捷擒萬化諸蠻多降者邦彥復退守陸廣鳴池諸
寨當是時川撫朱熹元破奢崇明兵窮蹙投水西邦
彥復助兵合謀一窺遵義一窺永寧三善乃統兵搏
賊巢擒土司何中尉等進營紅崖連破天台水脚委
石牛酸草諸國並大垣洪烏岡賊所借烏芸等部苗
望風奔潰三善按轡直入大方救出田景楊明楷
等社輝焚大方老巢挈子位竄火灼堡邦彥竄織金

會川兵入龍場擒奢崇明 安元及其弟奢崇輝等
社輝懼遣漢把劉光祚赴鎮遠乞降於總 楊述中
而述中主撫與三善議不合遂授賊券狀勒擒獻邦
彥崇明自贖時三善駐兵大方邦彥亦令其黨陳其
愚詐降窺三善意三善謂楊督既立撫局則勢難自
異因受降而其愚大猾善伺三善喜怒三善信之遂
被害語在三善傳時石砭女土官秦良玉與其弟民
屏同受調從征而民屏亦死既而監軍御史傅宗龍
獲其愚誅之於是水西烏撒永寧諸賊皆合兵向雷
益副總表善宣撫使沙源等破走之時水西苗老虎

阿引殺崇明子寅來降語具崇明傳無何邦彥復寇
貴州燒劫麻姑孫官堡官軍敗績巡撫王珣按傳
宗龍遣都司張雲鵬等先攻河沙壩羅鬼并廣順定
番青巖白納諸蠻以剪其羽翼然後拒邦彥於趙官
堡敗之值變元以艱歸而恭將楊明輝諭安位為邦
彥所殺崇禎元年起變元五省總督討賊先是三善
由陸廣入大方凡百七十里皆羅鬼巢窟前衝後截
已失地利變元初議滇兵出雲益遏安効良應援而
別布天生橋尋甸等以絕其走蜀兵臨畢扼其交
通四裔之路而別出龍場後以奪其險黔兵由晉

定渡思臘河徑趨邦彥巢而陸廣鴨池擣其肅粵西
出泗城分兵策應然後率大軍由遵義鼓行而前尋
以憂去未及用總督閔夢得繼之亦以貴州抵大方
路險而賊惟恃畢節一路外通用兵當自永寧始自
永寧而晉市而摩泥而赤水百五十里皆坦途赤水
有城郭可憑而守宜結營於此而漸進漸迫為白巖
為層臺為畢節共二百里至大方然後以重兵扼之
可一鼓擒也亦不果用至是熈元至乃檄滇兵下烏
撒蜀兵出永寧畢節扼各路要害而親率大軍駐陸
廣以逼大方時崇明號大梁王邦彥號四夷大長老

其下互費阿鮮等各號元帥悉力趨永寧先犯赤水
爨元授意守將許成各佯敗引之深入度賊已抵永
寧分遣林兆昂從三岔入王國楨從陸廣入劉養鯤
從遵義入邦彥分兵四應力不支羅乾象復以奇兵
繞出其背急擊之崇明邦彥皆被創斬其首以獻爨
元騰檄安位許其來歸位惶恐不敢出爨元督諸將
屯據要害四面迭攻凡有日得首功萬級生口數萬
每獲鄉導輒發窖粟就食賊饑甚遂降乃與約四事
一敗爵一削水外六目之地一獻殺王巡撫者首一
開畢節位俯首聽命賊平爨元乃條陳便宜九事大

抵謂不設府縣置軍衛不易其俗土漢相安且訓農
治兵永為折衝帝皆許之越二年位死無子朝議欲
棄其弊郡縣之變元上書諫乃止遂傳檄土目分其
地以授渠長使力分易制乃復奏曰西南皆荒服也
然楊氏反播奢氏反蘭安氏反水西而雲南之定番
止殫丸小州耳為長官司一十有七乃二三百年来
聞有反者非他司好逆而定番忠順也蓋地大者跋
扈之資而勢弱者保世之策也時識者皆誦其言